



## **ZAPISNIK sa 1. redovne sjednice Skupštine Samostalnog sindikata radnika u BHRT-u**

Prva redovna sjednica Skupštine Samostalnog sindikata radnika u BHRT-u održana je 26. februara 2016. godine u sjedištu Sindikata u ulici Bulevar Meše Selimovića br. 12 u Sarajevu sa početkom u 11,30 sati.

Nada Šimić, predsjednica Skupštine je pozdravila prisutne i predstavila Verifikacionu komisiju, u sastavu: Hodžić Nermin; Kahrica Džemal i Žuga Nijaz, predsjednik, koja je konstatovala da je prisutno 62 delegata, od 72 pozvana, i da ima kvorum za rad Skupštine

Sjednici Skupštine prisustvovali su članovi Nadzornog odbora:

- Velija Gradišić, predsjednik Nadzornog odbora
- Samir Gadžo, član nadzornog odbora

a Ramiza Ferhatbegović, član Nadzornog odbora je bila opravdano odsutna.

Predsjednica Skupštine je delegatima predložila izmjenu dnevnog reda u odnosu na predloženi u pozivu za sjednicu, tako da se predložena tačka 9. dnevnog reda ne razmatra jer su tri /3/ sindikalne podružnice koje su u pisanoj formi dostavile inicijativu za smjenu predsjednika sindikata, u pisanoj formi te inicijative povukle. Ovaj prijedlog su delegati jednoglasno usvojili .

Predsjednica Skupštine je delegatima predložila slijedeći

Dnevni red:

1. Izbor Radnog predsjedništva, zapisničara i ovjerivača zapisnika
2. Izbor Potpredsjednika Skupštine
3. Usvajanje Poslovnika o radu Skupštine
4. Usvajanje Izvještaja o radu UO SSR u BHRT-u za 2015.godinu
5. Izvještaj Nadzornog odbora
6. Usvajanje Finansijskog izvještaja za 2015. godinu
7. Usvajanje Programa rada Sindikata za 2016. godinu
8. Izmjene i dopune Statuta SSR u BHRT-u
9. Odluka o načinu izbora članova UO SSR u BHRT-u
10. Verifikacija članova UO SSR u BHRT-u u skladu sa izmjenama i dopunama Statuta i izbor novog člana Statutarne komisije
11. Usvajanje Odluke o razrješenju i imenovanju organa SSR u BHRT-u
12. Odluke Skupštine:
  - a) Odluka o visini članarine
  - b) Odluka o zastupanju
  - c) Odluka o isplati naknade za dolazak delegata iz ITC-a
13. Razno

Predloženi dnevni red je jednoglasno usvojen.

1. Izbor Radnog predsjedništva, zapisničara i ovjerivača zapisnika

Delegati su jednoglasno usvojili prijedlog predsjednice Skupštine za sastav Radnog predsjedništva (Elvis Čengić i Goran Brkić), zapisničara i ovjerivača zapisnika.

## 2. Izbor Potpredsjednika Skupštine

Predsjednica Skupštine je obavijestila delegate da su dostavljena dva prijedloga za potpredsjednika Skupštine i to Amela Šahović i Željana Mehmedika.

Nakon kraće rasprave predsjednica Skupštine je stavila prijedloge na glasanje. Kandidatkinja Amela Šahović je dobila 6 glasova ZA i 55 PROTIV, a za Željana Mehmedika je glasalo 55 delegata ZA i 6 delegata PROTIV.

Predsjednica Skupštine je konstatovala da je za potpredsjednicu Skupštine izabrana Željana Mehmedika.

## 3. Usvajanje Poslovnika o radu Skupštine

Predsjednica Skupštine je upoznala delegate sa najvažnijim odredbama predloženog Poslovnika o radu Skupštine SSR u BHRT-u. Nije bilo primjedbi na prijedlog Poslovnika i isti je jednoglasno usvojen.

## 4. Usvajanje Izvještaja o radu UO SSR u BHRT-u za 2015.godinu

Predsjednica Skupštine je zamolila Damira Smitala, predsjednika Sindikata, da ukratko obrazloži dostavljeni Izvještaj o radu UO SSR u BHRT-u za 2015. g.

U svom izlaganju, predsjednik Sindikata je naglasio probleme koje je imao Upravni odbor, a kao najteži je ocijenio što ništa nisu mogli učiniti da spriječe smanjenje broja uposlenih (po osnovu ugovora na određeno vrijeme, kao i spoljnih saradnika). Zbog teške finansijske situacije u firmi, rukovodstvo Sindikata se vrlo često sastajalo sa poslovođstvom s ciljem da izvrši pritisak kako ne bi došlo do smanjenja, odnosno kašnjenja plata.

Obzirom da nije bilo prijavljenih za diskusiju, predsjednica Skupštine je dala prijedlog Izvještaja na glasanje.

Izvještaj o radu UO SSR u BHRT-u je usvojen sa 43 glasa ZA i 3 SUZDRŽAN uz napomenu da članovi Upravnog odbora nisu imali pravo glasa.

## 5. Izvještaj Nadzornog odbora

Izvještaj Nadzornog odbora je obrazložio Velija Gradišić, predsjednik. Ukazao je na odluke Upravnog odbora na koje je Nadzorni odbor imao primjedbe i naglasio da je UO dodijelio materijalnu pomoć i nečlanovima Sindikata, a prilikom dodjele nekih pomoći kršene su odredbe Pravilnika o dodjeli materijalne i finansijske pomoći članovima Sindikata u svrhu liječenja. Nadzorni odbor je sugerirao da treba izmijeniti ovaj Pravilnik. Što se tiče ugovora sa GRAWE osiguranjem, uočeno je da ima slučajeva da je jedan član Sindikata registrovao više od jednog automobila. Nadzorni odbor je dao sugestiju da se u slučaju da Upravni odbor nastavi sa ovim pogodnostima za članove Sindikata, ograniči da jedan član Sindikata može u toku kalendarske godine registrovati samo jedan automobil.

Nakon izlaganja predsjednika Nadzornog odbora, predsjednica Skupštine je otvorila diskusiju o Izvještaju Nadzornog odbora.

Damir Smital je pojasnio zašto je UO SSR u BHRT-u donio odluke o isplati materijalne pomoći članovima koji su se tek učlanili, kao i spoljnim saradnicima koji nisu bili članovi Sindikata, a sa kojima je BHRT prekinuo saradnju. Predsjednica Skupštine je upozorila da se Upravni odbor ne smije pozivati na Član 8. Statuta SSR u BHRT-u prilikom dodjele materijalne pomoći jer je, na osnovu ovog člana Statuta, Upravni odbor donio Pravilnik o dodjeli materijalne i finansijske pomoći članovima Sindikata u svrhu liječenja koja se može dodjeljivati samo članovima Sindikata.

Zaključeno je da treba doraditi Pravilnik o dodjeli materijalne pomoći članovima Sindikata, da prijedlozi izmjena i dopuna ovog pravilnika moraju proći javnu raspravu u podružnicama i da se ovaj posao mora završiti u roku od tri mjeseca.

Nakon završene diskusije, delegati su usvojili predložene zaključke sa 63 glasa ZA i 1 SUZDRŽANIM glasom.

#### 6. Usvajanje Finansijskog izvještaja za 2015. godinu

Nije bilo prijavljenih za diskusiju pa je nakon obavljenog glasanja ovaj izvještaj usvojen sa 38 glasova ZA i 6 SUZDRŽANIH uz napomenu da članovi Upravnog odbora nisu imali pravo glasa.

#### 7. Usvajanje Programa rada Sindikata za 2016. godinu

Nije bilo prijavljenih za diskusiju pa je nakon obavljenog glasanja Program rada Sindikata za 2016. g. usvojen sa 44 glasa ZA, protiv i suzdržanih nije bilo, uz napomenu da članovi Upravnog odbora nisu imali pravo glasa.

#### 8. Izmjene i dopune Statuta SSR u BHRT-u

Predsjednica Skupštine je u uvodnom izlaganju naglasila da se predloženim izmjenama i dopunama Statuta daje veći značaj podružnicama ali i da se predviđa smanjenje broj članova Upravnog odbora jer se u prethodnoj godini pokazalo da je dosadašnji broj članova Upravnog odbora prevelik. Naglasila je da su svi delegati dobili prijedlog Odluke o izmjenama i dopunama Statuta SSR u BHRT-u.

U raspravi koja je uslijedila predloženi su slijedeći amandmani na prijedlog Odluke o izmjenama i dopunama Statuta SSR u BHRT-u:

- na Član 6: da i saradnici po ugovoru o djelu mogu biti članovi Sindikata. Za ovaj amandman je glasalo 63 delegata ZA i 1 delegat PROTIV.
- na Član 13.: da se precizira da je potrebna dvotrećinska većina svih članova Upravnog odbora, odnosno 12 glasova. Ovaj amandman je JEDNOGLASNO usvojen (64 glasa ZA).

Nakon završene diskusije, predsjednica Skupštine je dala na glasanje Odluku o izmjenama i dopunama Statuta Samostalnog sindikata radnika u BHRT-u za koju je, sa usvojenim amandmanima, glasalo 60 delegata ZA a 4 delegata su bila SUZDRŽANA.

#### 9. Odluka o načinu izbora članova UO SSR u BHRT-u

Predsjednica Skupštine je u uvodnom izlaganju naglasila da se ovom odlukom uvodi princip izbora članova Upravnog odbora, što je, u stvari, razrada Člana 31. Statuta.

U toku kraće rasprave, usvojen je prijedlog delegata iz ITC-a Amira Džidića, da se zbog specifičnosti u obavljanju radnih zadataka u ITC-ma odobri da Podružnica ITC-i ima zamjenskog člana Upravnog odbora, sa pravom glasa.

Nakon obavljenog glasanja Odluka o načinu izbora članova UO SSR u BHRT-u, dopunjena sa prijedlogom za Podružnicu ITC-i, je usvojena sa 63 glasa ZA i 1 glasom PROTIV.

#### 10. Verifikacija članova UO SSR u BHRT-u u skladu sa izmjenama i dopunama Statuta

Predsjednica Skupštine je upoznala delegateda su podružnice PEP, IMOVINA i ITC- i dostavile prijedloge za zamjenu svojih članova u Upravnom odboru koji, zbog obima posla, više nisu u mogućnosti obavljati ovu dužnost.

Podružnica PEP umjesto Adnana Teskeredžića za člana Upravnog odbora predlaže Fočo Edis. Ovaj prijedlog je usvojen sa 58 glasova ZA i 5 SUZDRŽANA glasa.

Podružnica Imovine je predložila da se umjesto Midhata Muratovića za člana Upravnog odbora izabere Omer Bukić. Ovaj prijedlog je usvojen sa 62 glasa ZA i 1 SUZDRŽAN.

Podružnica ITC-i je predložila da se dužnosti člana Upravnog odbora razriješi Dragan Maksimović koji više nije član Sindikata, da se umjesto Aleksandra Kolara za člana Upravnog odbora izabere Dragan Miljević, a za zamjenskog člana, sa pravom glasa, Amir Džidić. Ovaj prijedlog je usvojen sa 63 glasa ZA i 1 SUZDRŽAN.

Podružnica BHR1, koja do sada nije imala predstavnika u UO SSR u BHRT-u, je predložila da se za člana Upravnog odbora izabere Merima Kurtović Pašalić. Ovaj prijedlog je usvojen sa 62 glasa ZA, nije bilo glasova PROTIV niti SUZDRŽANIH..

Podružnica RTV Produkcije je predložila da članovi Upravnog odbora ostanu Elvis Čengić, Mensud Grbo, Belkasim Hamzagić i Nermin Hodžić. O ovom prijedlogu se vodila duža diskusija, tokom koje su delegati N. Vrgoč i M. Džihanić ukazale na nepravilnosti u sadržaju odluke koju je povjerenik podružnice RTV produkcija dostavio predsjednici Skupštine, a koji se ne slaže sa zapisnikom koji je vođen na sjednici proširenog saziva podružnice. Zaključeno je da sve propuste, ukoliko ih ima, moraju razriješiti članovi ove podružnice. Predsjednica Skupštine je dala na glasanje dostavljeni prijedlog podružnice RTV produkcija koji je usvojen sa 51 glasom ZA, 2 glasa PROTIV i 8 SUZDRŽANIH.

Konstatovano je da su delegati usvojili slijedeću Odluku o razrješenju i imenovanju organa SSR u BHRT-u:

Za potpredsjednicu Skupštine Samostalnog sindikata radnika u BHRT-u imenovana je

- Željana Mehmedika, potpredsjednica Skupštine, iz Sarajeva, ulica Mehe Smailagića broj 60

Upravni odbor Sindikata:

Dužnosti su razriješeni slijedeći članovi Upravnog odbora:

- Mehmed Tufo, član Upravnog odbora, ulica Salke Nezečića broj 9, Sarajevo;
- Nevenka Vrgoč, članica Upravnog odbora, ulica fra Matije Divkovića broj 15, Sarajevo;
- Minka Džihanić, članica Upravnog odbora, ulica Milinkladska broj 81, Sarajevo;
- Midhat Muratović, član Upravnog odbora, ulica Džemala Bijedića broj 88, Sarajevo;
- Adnan Teskeredžić, član Upravnog odbora, Ulica grada Bakua broj 2, Sarajevo;
- Dragan Maksimović, član Upravnog odbora, ulica Svetozara Markovića broj 5 J, Banjaluka;
- Aleksandar Kolar, član Upravnog odbora, ulica Zije Dizdarevića broj 18, Zenica;

Za članove Upravnog odbora imenovani su:

- Omer Bukić iz Sarajeva, ulica Trg nezavisnosti broj 22 – član Upravnog odbora;
- Edis Fočo iz Sarajeva, ulica Andreja Andrejevića broj 27 – član Upravnog odbora;
- Dragan Miljević iz Banjaluke, ulica Rade Vranješević broj 12 – član Upravnog odbora;
- Merima Kurtović-Pašalić iz Sarajeva, ulica Grbavička broj 95 – članica Upravnog odbora

11. Predsjednica Skupštine je u uvodnom izlaganju istakla da imamo situaciju da je Nada Šimić izabrana i za predsjednicu Skupštine i za člana Statutarne komisije, što nije u saglasnosti sa Statutom SSR u BHRT-u, te je potrebno izabrati novog člana Statutarne komisije.

Podružnica BHT1 je za člana Statutarne komisije predložila Šuko Zoran. Ovaj prijedlog je usvojen sa 62 glasa ZA, nije bilo glasova PROTIV niti SUZDRŽANIH.

12. Odluke Skupštine

Predsjednica Skupštine je obrazložila delegatima da je potrebno donijeti odluku o visini prihoda od članarine jer iznos članarine nije definisan Statutom SSR u BHRT-u.

a) Delegati Skupštine su usvojili predloženu odluku o visini prihoda od članarine koja je dopunjena iznosom članarine od 3 (tri) KM mjesečno za saradnike po ugovoru o djelu, koja se primjenjuje od 1. decembra 2015. g., sa 60 glasova ZA i 1 SUZDRŽAN glas.

b) Predsjednica Skupštine je obrazložila da se u praksi pokazalo nedovoljnim da samo jedna osoba bude ovlaštena za zastupanje Sindikata u pravnom prometu. Delegatima Skupštine je predloženo da se za zastupanje Sindikata u pravnom prometu ovlaste i potpredsjednici Sindikata Svjetlana Topalić i Džemal Kahrica. Ovaj prijedlog je usvojen sa 61 glasom ZA, nije bilo glasova PROTIV niti SUZDRŽANIH.

c) Upravni odbor je dostavio prijedlog odluke da se delegatima Skupštine, na ime troškova prevoza, noćenja i dnevnica isplati ukupan iznos od 859,00 KM, a pojedinačni iznosi su navedeni u prijedlogu odluke o isplati. Ovaj prijedlog je usvojen sa 59 glasova ZA, 2 PROTIV i 2 SUZDRŽANA glasa.

13. Razno

Obzirom da nije bilo prijava za ovu tačku dnevnog reda, predsjednica Skupštine je zaključila da je sjednica Skupštine završena u 14, 08 sati.

Sarajevo, 26. februar 2016. godine

Predsjednica Skupštine SSR u BHRT-u

Nada Šimić

zapisničar:

Advija Alimanović

\_\_\_\_\_

ovjerivači Zapisnika:

1. Nijaz Čordalija

\_\_\_\_\_

2. Tarik Malićbegović

\_\_\_\_\_